

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Rehabeam. Königen. C. XV. CXCVII.

WAS aber mehr von Rehabeam zusagen ist / vnd alles was er gethan hat / Sihe / das ist geschrieben in der Chronica der Könige Juda. Es war aber Krieg zwischen Rehabeam vnd Jerobeam jr leben lang. Vnd Rehabeam entschliess mit seinen Vetern / vnd ward begraben mit seinen Vetern in der stad David / Vnd seine mutter hies Naema ein Ammonitin / Vnd sein son Abiam ward König an seine stat.

XV.



Im achtzehenden jar des Königs Jerobeam das sons Nebat / ward **Abiam** Abiam König in Juda / vnd regierte drey jar zu Jerusalem. Seine mutter hies Maecha eine tochter Abisalom. Vnd er wandelt in allen sünden seines Vaters / die er vor jm gethan hatte / vnd sein Hertz war nicht rechtschaffen an dem **HERREN** seinem Gott / wie das hertz seines vaters Davids. Denn vmb Davids willen / gab der **HERRE** sein Gott jm ein Licht zu Jerusalem / das er seinen Son nach jm erwecket vnd erhielt zu Jerusalem / darumb / das David gethan hatte das dem **HERREN** wolgefiel / vnd nicht gewichen war / von allem das er jm gebot / sein ledentlang / On in dem handel mit Oria dem Hethiter. Es war aber ein Krieg zwischen Rehabeam vnd Jerobeam sein lebenlang.

Abiam
31. jar König in Ju
da.

WAS aber mehr von Abiam zu sagen ist / vnd alles was er gethan hat / Sihe / das ist geschrieben in der Chronica der Könige Juda. Es war aber Krieg zwischen Abiam vnd Jerobeam. Vnd Abiam entschliess mit seinen Vetern / vnd sie begruben in in der stad David / Vnd Assa sein son ward König an seine stat.

Im zwenzigsten jar des Königs Jerobeam vber Israel / ward **Assa** König in Juda / vnd regiert ein vnd vierzig jar zu Jerusalem. Seine mutter hies Maecha eine tochter Abisalom. Vnd Assa thet das dem **HERREN** wolgefiel / wie sein vater David / Vnd thet die Hurer aus dem Lande / vnd thet ab alle Götzen / die seine Vete gemacht hatten. Dazu setz er auch seine mutter Maecha ab / vom Ampt / das sie dem Miplezeth gemacht hatte im Hayne / vnd Assa rottet aus ien Miplezeth / vnd verbrands im bach Kidron. Aber die Höhen theten sie nicht abe / Doch war das hertz Assa rechtschaffen an dem **HERREN** / sein leben lang. Vnd das silber vnd gold vnd gefess das sein vater geheiligt hatte / vnd was geheiligt war zum Hause des **HERREN** / bracht er ein. Vnd es war streit zwischen Assa vnd Baesa dem Könige Israel jr leben lang.

Assa

41. jar König in
Juda.

Baesa aber der König Israel zoch er auff wider Juda / vnd bauet Rama / das niemand solt aus vnd einziehen auff Assa seiten des Königs Juda. Da nam Assa alles silber vnd gold das vbrig war im schatz des Haus des **HERREN** / vnd im schatz des haus des Königes / vnd gabs in seiner Knechte hende / vnd sand sie zu Benhadad dem son Tabrimon / des sons Hesion / dem Könige in Syrien / der zu Damasco wonet / vnd lies jm sagen. Es ist ein Bund zwischen mir vnd dir / vnd zwischen meinem Vater vnd deinem vater / Drum schicke ich dir ein Geschenke / silber vnd gold / das du fahren lassst den Bund / den du mit Baesa dem Könige Israel hast / das er von mir abziehe.

Baesa.

Benhadad.

Benhadad gehorchet dem Könige Assa / vnd sandte seine Heubtleute wider die stedte Israel / vnd schlug Zion vnd Dan vnd Abel Beth Maecha / das gantz Cineroth / an dem ganzen lande Naphthali. Da das Baesa höret / lies er ab zu bawen Rama / vnd zoch wider gen Thirza. Der König Assa aber lies erschallen im ganzen Juda / Hie sol niemand vngestraftt bleiben. Vnd ste namen die stein vnd holtz von Rama weg / da mit Baesa gebawet hatte / Vnd der König Assa bauete da mit Geba Ben Jamin vnd Mizpa.

WAS

(Miplezeth)
Wer der Miplezeth gewesen sey / ist vngewis. Etliche sagen / es sey der Abgott priapus gewesen.

4. Reg. 17.

Nadab.

Sisak.